

海錯百一錄

海錯百一錄目錄

卷四

記蟲

記鹽

記海菜

龍蝦

附蝦

赤尾

對金蝦

南子

五色蝦

葉蝦

白蝦

黃蝦

附節

蝦姑

苗鮮

附蝦

海粉

龍蝨

附龍

蟲

沙蠶

海丁香

土鑽

附海

沙蠶

土

泥筍

附土

土苗

海參

海蜈蚣

島蛇

鹽

附細鹽

煎鹽

鹽仔

石花菜

附雞

虎棲菜

附羊

鷓鴣菜

龍鬚菜

燕窩菜

鵝腸菜

附蟬

紫菜

附石

苔菜

附

苦

許菜

赤菜

附藍菜

舵菜

螭菜

線菜

神

黛

白薯

附紫薯

烏菜

海錯百一錄卷四

侯官郭柏蒼兼秋輯

記蟲

龍蝦 即蝦魁目精隆起隱露二角產甯德嶺表錄異

云前兩脚大如人指長尺餘上有芒刺鈎硬手不可

觸腦殼微有錯身彎環亦長尺餘熟之鮮紅色名蝦

盃

北戶錄潮州出紅蝦大者長二尺土人多理為盃以蝦為盃非名盃也按閩亦製蝦殼盃蒼按

甯德以龍蝦為燈居然龍也

閩小紀云有空其肉為燈者胎大其中電目血

舌未鱗火蠟如洞庭君擘青天飛去時

以其大乃稱之為魁僕人陳照

賈呂宋舶頭突駕二朱柱夾舶而趨舶人焚香請媽

祖棍三擊如樺燭對列閃灼而逝

臺灣海防同知孫元衡詩天妃神杖

推老蛟攘臂登樺叱魔崇自註名媽祖棍可驅水怪

乃悟為蝦鬚南海雜志商

舶見波中雙檣搖漾高可十餘丈意其為舟老長年

曰此海蝦乘霽曝雙鬚也洞冥記載有蝦鬚杖舉此

則龍蝦猶小耳又有對蝦產羅源甯德長二三寸土

人薨之兩兩相對可以寄遠味豐南鎮長二寸產福

甯之南鎮淡乾以遠市蓋以地名蝦赤尾小於南鎮

天津呼滷蝦又有金鈎子小於赤尾味佳

五色蝦 長尺餘具五色鹹淡水有之梅蝦蘆蝦青蝦  
泥蝦皆產池澤及稻畦中

藁蝦 即鰯也其形似魚而鬚脚蝦也各島得者以肉  
偽江瑤柱爾雅鰯大鰕注鰯大鰕出海中長二三丈  
遊行則豎其鬚高於水面故其字從高鬚長數尺可  
以為簾蒼按凡蝦皆磔鬚鉞鼻背有斷節尾有硬鱗  
多足好躍腸屬腦子在腹外藁蝦僵硬其鬚有細刺  
古稱蝦鬚簾拾遺記蝦鬚長一尺可為簾今蜀中之  
中江簾細者稱蝦鬚言其細如蝦鬚未聞竟以蝦鬚

為簾也

白蝦 湖湘所出白蝦傳為美品產連江東岱百姓及福清甯德者得鹹淡水味尤豐香糟和薄鹽醃之或切厚片炒食福清興化泉州常市蝦麪可口

黃蝦 海濱皆產長二三寸醃入省會味遜白蝦又有節蝦節黑長與黃蝦等殼厚肉粗凡蝦殼薄脆者味豐節通明者肉細又蝦米漉小蝦曬乾出長樂梅花者白潤潔淨尸石以下次之帶溼者曰蝦餅又有蝦蛋羣蝦集海套放子於水草承而薄醃之色青者味

美色紅者攪豆渣以薑蒜和豬油一沸即熟瘡疥勿食防潰爛癢痛

蝦姑 一名管蝦以其足善彈又名琴蝦形似蜈蚣又似蠶大者廣三指能食大蝦小者食小蝦炒食味豐或為醢疥瘡最忌

苗鮮 漉小蝦醃以薄鹽名苗鮮和薑調醋生食或和肉釘微蒸食又蝦鮮鹹淡不等村民山居年市數萬桶

海粉 海蟲也諸書皆稱狀如綠毛龜無介純肉背有



小孔海粉出焉清明收之則色綠陰雨收之則色黃  
蒼按福清所產海粉形似鮫小而圓無頭足灰色隨  
潮往來飽則脂漫至淺沙散粉粉從後竅溢出若蠶  
之吐絲停勻柔細狀類米粉而扁初浮於水久則糾  
結於沙漁人拾而陰乾之片片綠若側柏南貨鋪市  
之每兩價值百文廚人以此飾盤菜李時珍曰能化  
痰輒堅

龍蛭 福州呼水螳螂泉州臺灣呼水龜形如蟻螬蟲  
閩小紀云龍蛭三十枚漳州海口每八月十三至十

五三日飛墜餘日絕無除面黝黦赤氣婦人貌美能媚男子蒼按龍蟲醃乾有羶味去其翅足食者嗜之不食者哇之周櫟園所云或別有一種詢之漳人無聞也五雜組閩有龍蟲者飛水田中與竈蟲分毫無異海錯疏龍蟲秋風暴起從海上飛來落水田中人撈取油鹽製珍藏之閩人言是龍身上蟲或然耳又龍蟲即海豬腸似蚯蚓中空兩端如一又似豬腸截斷塊然柔輭盤結臺灣漳州朝朝取之味清脆在魚菜之間

沙蠶 產連江東岱沙海沙中福州呼之為龍膽形類  
蚯蚓而其文如布經緯分明鮮者剪開淘淨炒食乾  
者刷去腹中細沙微火畧炸有風味其形極醜其物  
極淨

海丁香 俗呼泥蒂乾之如丁香烟肉美品每斤銀二  
錢六七分圓大者為泥卵連江羅源皆產之

土鑽 似沙蠶而長又海狼健土蠶沙膩大畧相同沙  
膩味清海族出沙中者味必清

泥筍 即土筍又名沙嘆似蚯蚓八閩通志其形如筍

生泥沙中豬油和蘆筍炒又土蟀即城蜋又名海蟀與泥筍相似亦名泥釘去泥沙炒韭芽和淡醋食土苗即塗苗海蟲之極微細者海物異名記謂之醬蝦細如針芒波徒頃鬚若泥淖海濱人鹽以為醬按今海人亦稱醬蝦色藍鹽醃可久不壞福興村民藉此下飯年貨數萬桶

海參 閩所產者不及外洋曰白參大者撐以竹籤小而圓黑者名牛腎以形名易爛無膠極小者味苦名水參

海蜈蚣 形類蝦姑膾食瘡瘡忌

島蛇 島與千百蕪穢不治嘉慶閒蔡牽亂海上禁島  
有至今未開者小民竊入栽種其中何所不有蛇多  
而大青竹蛇最毒次則手巾花即白花蛇其皮條條  
然或白或黑次則蜈蚣蛇色微黃吹氣則項大而有  
聲能趨火逐人古云蜈蚣寄種於蛇目是以毒也惟  
烏蛇無用俗呼老鼠櫟能將爵鼠一口吞入水蛇亦  
無毒咬傷者以水洗即愈錦蛇長二三丈雜紅白花  
其皮可鞣琴櫃諺云一畝地三蛇九鼠凡蛇皆避鷺

鶴之聲故窮海裏山多畜鷺以看門蛇至冬輒含土  
入蟄及春出蟄則吐土於蛇洞挑其圓重如錫石者  
謂之蛇黃畫家用之故曰蛇黃不入口蛇黃有大如  
拳如椀者不知其蛇之巨幾何嶺海異聞載蛇異弘  
治閒舶者二十人即山而薪山麓石潭深不可測日  
影西下山聲殷殷如雷升木而伺有巨蛇蜿蜒幾五  
里其色正黑兩目如炬山巔奮迅而下沒於潭如雷  
者乃觸石崩隕之聲也有蜈蚣長可七尺騰躍而逐  
之旋潭踉蹌尾端毒沫時時射潭內水色變如油抵

暮潭面火燄高尺許舶人熟視乃自蜈蚣甲閒出夜

分循山而去光熒熒燭山谷遲明觀之蛇蹉跎死潭

閒蒼在將谿見牆根蜈蚣長七八寸其行如飛忽一

暗蜂從蜈蚣頭上披拂而去

聞呼穉蜂之綠色者為暗蜂以其能穿幽邃取

食蟬

蜈蚣呆立如癡若有所俟暗蜂復來作對語狀

退行蜈蚣隨之越牆而去

博物志曰啄木能以嘴畫字今蟲自出魯志剛云今

閩廣蜀人巫家取其符字以收驚療瘡毒也或云偷

兒效其符使扁鋪自啟蒼山居日久審啄木所欲或

從隙中取出貼蟲蓋以喙啄木辨其虛實旦旦啄之

虛者自裂以喙作

蜈蚣至毒而畏暗蜂蠍子至強而

符之說皆附會耳

畏錢串物類相制有不可解者沈存中筆談云見一

蜘蛛逐蜈蚣蜈蚣循籬竹裂隙而入蜘蛛以腹磨竹

隙再三少頃破竹視之則蜈蚣斷爛不屬矣蓋蜘蛛

布溺以殺之也物之以小制大理實運之耶閩書蚪

蛇身大而行紆徐冉冉然也或曰鱗中有毛如髯陶

宏景言出晉安

稽康養生論蚪蛇珍於越土

酉陽雜俎蚪蛇長十

丈嘗吞鹿鹿消盡乃繞樹則腹中之骨穿鱗而出養

瘡時肪腹甚美

所記乃摹擬山海經已蛇吞象

劉恂錄異記蚪蛇身

有斑紋如故錦纈春夏於山林中伺鹿吞之蛇遂羸



瘦待鹿消乃肥壯也其膽可藥埤雅蚺蛇尾圓無鱗  
身有斑文如故暗錦鱗似鼉行地常俯其首膽隨日  
轉上旬近頭中旬在心下旬近尾蒼按據埤雅蚺蛇  
即島中之錦蛇閩省山中亦有錦蛇但小於島產耳  
凡紅蛇多產於宅之巳方及竈中島無之

記鹽

鹽

閩鹽凡三變宋元以前皆用煎法至明初始用曬法萬厯閒有以瓦片砌埕坎曬者今盡埕坎矣煎者花細微苦曬則花麤而味重然人力尚繁今純用埕坎人力簡而天功多久雨則產缺用煎法者俟朔望前後潮退鹵壤經過烈日結生白花刮而聚之坑地為池茅襯其底而實杵之復穴其下為井有竅相通以蘆管引之取鹵花實於池淋鹹水循蘆管下注井中投雞子或桃仁浮則鹵氣重而可用矣別為土

斛於竈傍使土斛微高於竈乃瀉滷其中亦引以蘆管乘高注之於盤盤者編竹加螭灰為之蓋以竹為

釜也

蜀煎鹽井之水亦以竹為釜以紙布之引火井之火於釜下紙竹得鹹氣不燃不汕

大盤

日夜煎一百斤小盤半之三山志海水有鹹滷潮長而過埕地則滷歸土中潮落日曝至生白花取以淋滷方潮未至先耕埕地使土虛而受信既過刮起堆聚用車及擔輦致整頭掘土為窟名為漏埕以杵築實用茅襯底滿貯土信取鹹水淋之堆實則取滷必鹹旁用蘆管引入滷埕埕在漏埕之下掘土為窟以

受滷茅草覆之取雞子或桃仁置滷中浮則滷鹹可煎築土為斛在竈旁以竹管接之旋盤如畎澮之流盤以竹篾織用蠣灰塗復織釜牆以圍繞亦堅以蠣灰蓋盆以受滷也大盤一日夜煎二百斤小盤一百五十斤用曬法亦為池與井聚鹵壤鹹者於池別汲海水淋之滲漉入井滲盡去舊泥入新泥即以井中水淋之如是者再則鹵可用乃取鹵置盤中盤以密石砌治廣不過數尺一人日可得二百斤風和日暖則易結近砌埕坎潮入曬之潮再至已成鹽矣蒲

田場所曬者粒粗而色黑名青花福清場江陰場粒細色微烏洗之則粒愈細而糙白矣名曰洗白鹽力不及莆田場蓮河場曬者最白最淨蓋其地套入山內海風揚垢不至也蓮河之桂口東石鹽者尤潔白霜收者久貯則堅如鐵石上里場下里場亦產白鹽但鹵重不宜積壓甯德漳灣曬者稱細鹽羅源鑑江熬波成者稱煎鹽鹽樹即海樹產福甯叢生海邊本高一二尺至四五尺粗者若小兒臂細者如筍葉類冬青而柔輒潮上則沒頂潮落則出無花伐之燒

灰漚水成滷可煎為鹽色黃味微苦鹽至上游以色  
殼燒灰淋滷煎之白如雪名鹽仔

# 記海菜

石花菜 生海礁上狀如鷹爪蘭長二三寸得日者紅背日者白薑醋拌食李時珍曰石花菜生南海沙石間高二三寸狀如珊瑚有紅白二色枝上有細齒以沸湯泡去沙屑沃以薑醋食之甚脆一種稍粗而似雞爪者謂之雞脚菜味更佳二物久浸皆化成膠凍也蒼按即雞趺菜性寒夏月煮之成凍福州暑天所市草凍肩挑人和水飲之即此菜無力役者勿食

虎棲菜 南越志生海上穗長二三寸許葉如蘭蓋閩

書虎棲菜生海石上穗長二三尺許葉如蘭蓋微翠  
色又羊棲菜生海石上長四五寸微黑色皆出漳浦  
鵲鵲菜 連江志生海石上色微黑凡海產之菜多帶  
鹹味宜醋拌料蝦故李時珍於海菜亦有和醃之說  
龍鬚菜 卽麒麟菜李時珍曰龍鬚菜生東南海邊石  
上叢生無枝葉狀如柳根鬚長者至尺餘白色以醋  
浸食亦佳蔬也蒼按色白欲清則和醃欲濃則蒸肉  
福建通志甕菜土人號龍鬚菜誤

燕窩菜 閩部疏燕窩菜竟不辨是何物漳州海邊已



有之燕飛渡海中翮力倦則擲置海面浮之若杯身  
坐其中久之復銜以飛陳懋仁漳南雜記閩之遠海  
近番處有燕名金絲者首尾似燕而甚小毛如金絲  
臨卵育子時羣飛近汐沙泥有石處啄蠶螺食有海  
商詢之土番云蠶螺背上肉有兩肋如楓蠶絲堅潔  
而白食之可補虛損已癆瘵故此燕食之肉化而肋  
不化并津液嘔出結為小窩附石上久之與小雛鼓  
翼而飛海人依時拾之故曰燕窩嶺海異聞海鷺小  
如鳩春回巢於古巖危壁葺壘乃白海菜也島夷伺

其秋去以修竿接鏟取而鬻之謂之海鶯窩隨舶至  
廣貴家宴品珍之其價翔矣蒼按閩部疏所云擲置  
海面浮之若杯者來降燕乃睇之燕防風雨則水無  
小魚可啖以此為糧被風吹集海岸是已至血燕毛  
燕兩種乃冬月海燕巢於海上山巖林中取者覆其  
巢奇慘甚矣海燕大小不同皆能作窩儲糧於海旁  
凡沙磧無淤泥之處所產海菜脂瑩軟膩嚼和魚螺  
絲絲嘔出燕色純黑屬水并其津液搏成魚螺之味  
漸化海菜之味漸加血燕毛燕及各種燕窩多至厦

門始製成片片獨越燕胡燕蛇燕急於哺子且屢客  
居故不儲蓄互見卷五海燕條下

鵞腸菜 閩書生海石上長四五寸其薄如帶色黃漳  
浦多又蟬菜不種自生葉圓而厚藤相糾結又名浮  
藤產下遊臺灣和蟬作羹為佳子紫黑色可染布

紫菜 海潭皆產之名曰紫菜潭互相傳買勿得竊採  
出興化及惠安小岞者最有風味福清產者亦佳三  
山志紫菜附石生海上色青取乾則紫其莖纖而希  
其味尤珍出福清者佳福州府志紫菜一名索菜吳

都賦綸組紫絳注紫紫菜也蓋其生黏帶石上潮浸則散皤皤然潮落復黏於石嫩者撻取之而成索長者摘取之則皆散生時色青乾則紫本草紫菜生南海中附石正青色取而按之則紫色李時珍曰閩越海邊悉有之被人按成餅狀曬乾貨其色正紫亦石衣之屬也蒼按紫菜釋名為紫莢有大潭小潭之別大潭出者肥厚或按為餅或糾為索潔淨無沙小潭出者薄弱散曬之沙多而味淡初出水青色見風日即紫不紫而仍青者下品也閩書苔垢菜紫菜取盡

就上復生苔衣狀類浮垢又有石蓴即紫菜之經曝而不紫者味潛藏器曰石蓴生南海附石而生似紫菜色青據此則石蓴又是一種

苔菜 如髮洗淨壓乾入鹽薑番椒香油和菲芽拌食或以油微炸夾光餅閩書海苔綠色如亂絲生海泥中其細嫩者名溼苔

澣苔 生海泥中似青海所出之髮菜髮菜三角澣苔微扁出惠安灣西者味淡名淡苔。

赤菜 即鹿角菜海物異名記赤菜海生而紫蔓又其

大者為鹿角菜又名猴葵南越志猴葵色赤生石上  
南越謂之鹿角以其莖有歧也三山志鹿角菜生海  
中亦能解麪熱麪熱即  
麪毒也蒼按鹿角菜大如鐵線分了  
如鹿角其色紫黃入湯盪之醋香油拌食乾之可以  
行遠醋拌如新又藍菜生海巖上味甜

舵菜 海舶舵上所生菌也味鹹微甘本草主治癭結  
氣痰飲潘之恆廣菌譜舵菜即海舶上所生菌也亦  
不多得蒼按舵菜形圓葉厚每於停廢老舵上得之  
曬乾則無幾矣其性流利舵旁生者有細蛆勿食食

之令人腫脹

螭菜 閩書螭菜生海中邊沙地上長半寸許成簇而綠蒼按螭菜蜆菜皆以味稱紫菜味亦如螭故閩人作螭湯炮螭必用紫菜

線菜 閩書生海中沙地上其長如線色微紅出漳浦神黛 閩書生海邊泥泊上葉蔥蒨如黛歲饑和米作粥食之出興化漳浦通志曰神黛異之也

白薯 即甘藷島嶼間有野生者一莖延蔓至數十百莖節節皆有根莖附物而高有實如卵者有實如臂

者皆於土中掘得之亦有二月種之十月收者剪其莖亦可種皮白肉白者白薯皮紫肉紫者紫薯紫薯勝於白薯搗為泥和糖棗瓜子稱為薯泥創為丸調各味稱薯丸蒸熟切而曬乾可充糧糗和米為丸或蒸為酒南方草木狀云南人二毛者百無一二惟海中之人壽百餘歲者由不食五穀食甘藷故耳

四川梁山

縣雙桂堂有黑牡丹一株其寺僧多壽蓋後山杞菊水入飲益建甯縣某鄉男女皆壽後淘井取出綠毛大龜自此鄉少壽者

烏菜 附海石生以色名羅源甯德人取以入饌凡海



邊及石上所產各菜均乏辛芳之氣

一

海錯百一錄卷四

海錯百一錄目錄

卷五 附記海鳥 附記海獸 附記海草

海鷄 附蠟鼻 海鷗 海雉 海鵠 海燕 附越燕胡燕

蛇燕沙燕 海鷗 海雞 附五鳴雞 海鳧 附冠鳧信鳧 海鷄 海

鶴 海鸚哥 海八哥 海鴛鴦 海雞母 蒼鶴

白鷺 探鵲 火鳩 呼潮 天鷺 翠鳥 紅

公 禿鷺 水鰲 鷺 虎鷹 鬼車 九頭鳥

過冬鳥 舶鴿 鳩鵲 鬼雀 黃褐侯 撒尿鳥

海獺 海虎 海鹿 海鼠 魚

海蘆 海薑 海蒲 海藻 海葛 校葛 石帆

石龍芻 占風草 水燭 簡箐 臭草 雀梅

建水草 野籐 蕒 醉魚草 篋竹筍

附荏筍

龍牙草

海錯百一錄卷五

侯官郭柏蒼葉秋輯

附記海鳥

海鷗 大如鷹蒼黑色尾稍短善擊鳬雁蒼按俊而大者謂之鷗或畜以擊鳥羽毛麤重鼻根黃如蠟色謂之蠟鼻

海鶻 八閩通志海鶻方言魚鷹也蒼色似鷗攫魚而食之蒼按正字通鶻多義冬撮鳥之盈握者夜燠其爪掌旦縱之禽經曰鶻不擊姪酉陽雜俎鶻生三子

一為鷓鴣雅鷓鴣拳堅處大如彈丸俯擊鳩鷓食之鷓  
鷓中其拳墮空中即側身自下承之捷於鷹隼蒼按  
鷓從骨即以其拳堅也每從高處側下其疾如風故  
曰鷓落所擊之鳥恆墜地不若鷹之捕而遠颺也

海雉 禽經朱黃曰鷺雉白曰翰雉黝曰海雉海雉曰  
秩秩如雉而黑在海中山上蓋即夏小正所謂黝雉  
也蒼按鳥得氣薄故山陽山陰而色異草與蟲得氣  
尤薄故各肖其山形各如其山性島產之雉文彩不  
及山雉且多牝村人母雞抱卵若無雄即以雞卵塗

竈煙從竈腹向突穿出祝曰無難公穿竈公母雞抱之二十日出卵皆黑色但多雌耳氣薄有感即化也

皮卵燒松柴製者卵白現竹木製者卵白現竹木

四蹠之獸及時而配有

感即姪且鮮有不育者埤雅蛇蹠向壬鵲巢面歲燕伏戊己虎奮衝破此亦鳥獸之所以靈也蒼按鳥獸各有一能者其受氣薄也以指捏蜂必螫其技絕矣海鵠李時珍曰鵠水鳥也似雁而斑文無後趾惟不木止其飛也肅肅其食也齧肥腩多脂肉粗味美又曰不食鵠與與者晚脰也深奧之處也蒼按鵠無後

趾其罕棲於木者勢使然也閩語鵠無舌兔無脾蒼  
在海濱未聞鵠鳴詢之土人則曰無舌後讀吳雨鳥  
獸草木攷引閩語鵠無舌兔無脾乃知其語舊矣或  
云純雄無雌與他鳥合或云鵠見鷺鳥激糞射之其  
毛自脫也鷺支蟲名石背側兩肩出屎射人果子緇  
之白尾者福州名白尾猶獵犬逐急則後  
竅出氣以媚之犬聞羶逡巡草間而凡鳥雌雄存者  
稍適矣萬類各挾其智以為生也雙飛雙集無異類之感孤棲則他鳥強配抱成無名  
之卵獨雁可稱孤雁故古者奠雁喜雀抱二卵一雌  
一雄四卵二雌二雄若三卵五卵其奇者皆隼也隼



大即啖雀雛故雀母見隼乃徙巢而分哺之予屢視  
巢雀始信其然鵲生三子其一為鵲舉凡奇卵皆異  
類西域記皐雕一產三卵者內一卵化犬短尾灰色  
與犬無異但尾背有羽毛數莖耳隨母影而走所逐  
無不獲者謂之鷹背犬

海燕 燕之種類不一皆籬口布翅歧尾而黑色其小  
而多聲春夏再乳秋社引子歸海外者名越燕亦稱  
紫燕又名漢燕領下紫色巢於門楣又胡燕大於越  
燕臆前白質黑章又有巢懸於大屋兩椳間長可容

足素者謂之蛇燕來巢令人家富

陶隱居曰紫胸輕小者越燕胸斑黑

聲大者是胡燕元中記胡燕斑胸聲小越燕紅襟聲大

本草謂鷹鵒食燕則死

能制海東青鵒故有鵒鳥之稱蒼按燕翼長能抱雛  
故稱燕翼凡鳥翼長而有力者摩空否則斜飛側出  
燕近人且下上無定故鵒鳥不能擊海島之空嵌者  
燕與蝠皆冬蟄之文昌雜錄云海崩見蟄燕不為偽  
說海燕純黑與越燕胡燕蛇燕異甲午九月蒼與劉  
芑川墨莊對坐忽昏黑以炬至主客不知所謂始疑  
簋日繼聞呻吟聲知為海燕此鳥海風將作則先羣

飛而夜鳴但不知飛集何處耳沙燕身小飛似蠅  
魚所化

海鷗 嶺海異聞海鷗似鷺而大不識人舶過嘗集人  
肩頂人輒捕而烹之傳曰海上之人有好漚鳥者每  
旦從漚游至者百數其父曰取來吾玩明日之海上  
漚舞而不下蒼按此雖寓言然鷗之性閒逸近人上  
游溪流漣漪之處舫人盪漿浮鷗對對唼漿水附舟  
而行所以得全者以毛豐肉瘠耳興化九鯉湖鷗帶  
粉紅色唐時貢芙蓉鷗十二是已

海雞 嶺海異聞毛色如家雞惟雙足鼈類爾蒼按海濱雞多與異類交接雞卵勿食雛之異狀者勿烹近水之處雞多應潮臺灣有潮雞福州謂之水漲雞輿地志愛州移風縣有潮雞述異記以為伺潮雞又臺灣有五鳴雞其鳴應更

海鳧 李時珍曰鳧東南江海湖泊中皆有之數百為羣晨夜蔽天而飛作如風雨所至稻梁一空陸璣詩疏云狀如鴨而小雜青白色背上有文短喙長尾卑脚紅掌水鳥之謹愿者肥而耐寒吳兩鳥獸草木攷

鳧水鳥也一名鵠一名沈鳧似鴨而小青灰色長尾  
背上有文數百為羣常在海邊食沙石皆消爛惟食  
海蛤不消隨其糞出又海中有一種冠鳧頭上有冠

乃石首魚所化也

吳地志云石首魚至秋化為冠鳧頭中有石是也凡作冠鳧皆冠鳧

之並宜冬月取之又一種身圓似鵠隨潮往來者名

信鳧色淡青信鳧即鷺詳下晉書張華傳人有得巨

鳥毛長三丈者問之華華愀然曰此海鳧毛也出則

世將亂北京顏料庫有鳥毛長數丈人從管中匍匐

竟首尾

海鷁 江海船頭所畫鳥也似鷺鷥而尾長李時珍曰

一種鷁鳥

應作鷁

或作鷁似鷁鷁而色白人誤以為白

鷁鷁是也雌雄相視雄鳴上風雌鳴下風而孕口吐其子莊周所謂白鷁相視眸子不運而風化者也昔人誤以吐雛為鷁鷁蓋鷁鷁音相近耳鷁善高飛能風能水故舟首畫之

海鶴 長頸疎身長脚青翼頂赤身白頸半黑常鶴高三尺餘喙長四寸海鶴尤高夜潮風生鳴於禁島而不可迹閩書海鶴方言魚鷹也恐誤嶺海異聞海鶴

大者修項五尺許翅足稱是吞常鳥如餒魚成化間

有至漳州者漳人射殺之復有以頂貨者類淘河

也鵝

而銳味雄大雌乃畧小晝啄於海暮宿巖谷間島夷

豫以小鏢付獠

按獠音寵獠人出於暹羅之峴嶼短小精悍圓目而黃精性專慤不識金

帛木食如猿猴古樾蒙密者率數十巢蓋舉族所聚也語啾啾不可辨山居夷獠每詣其性常馴擾以備驅使蒙以敝絮食以經飯飲以滴酒即躍然喜似謂得所主者舉族受役至死不避雖歷世不更他姓嘗役以採片腦鶴頂皆如期而獲其山多犀象主者利其齒角授以毒鏢獠挾以歸遇犀或象輒往刺之升木而匿犀象或怒且索毋得也移刻毒發而殪獠乃羣聚叫嘯若誇其捷者相戒聚以守經月犀象且腐所遺如牙如角齒則負以數統角乃一統肩之以輸其主遇奪他姓亦至死弗畀也舶人編竹為籠紆深

其制置所必由之徑機而取之以獻於夷王王大愛  
玩酬以蘇方木至數千斤猶衣狔以番錦飼以嘉實  
置之爽塏狔以非其主終不月夕則伏於鶴常宿所  
附也然稍近煙火淚口死爾

擇其大者而刺之平旦有獲五六頭者島夷乃剝其  
頂售於舶賈比至閩廣價等金玉蒼按海鶴與鶴異

鶴足黑海鶴足白

南通州呂四場所產鶴足皆綠

海鶴鳴則羣蛇集

海鶴年久蛇毒聚頂上腦骨皆丹所製鶴頂紅獨舳  
舶恆於廈門貨之或云丹處有毒舐之傷人本草以  
鶴糞能化石然皆未驗

海鷗哥 諸志皆云黑喙綠羽足亦藍也蒼按海鷗哥



黃魚所化小而綠毛兩指向前兩指向後與鸚哥同  
閩小紀所云倒挂鳥遍體嫩綠腹背之毳雜五色注  
距皆赤曲肖鸚鵡但小僅如雀者又是一種亦產海  
上

海八哥 臺灣志八哥黑身紅頂綠足亦名田雞蒼按  
鸚鵡一名寒臯斷舌可使能言南唐李煜謂之八哥  
酉陽雜俎曰八哥交時以足勾足鼓翼如鬬往往墜  
地俗取其勾足為媚藥福州呼純黑者為八哥呼差  
小有白毛者為烏鵲泉州呼烏鵲為番鸚鵡八哥剪

舌能言每歲霜降前一日羣避入山谷至霜降過時方始出谷故畜八哥者於霜降日並籠懸入井中不然殂矣臺灣志所稱田雞紅頂綠足者又是別種

海鴛鴦 產興化海面形同江產者俗呼金翼

海雞母 黑色綠脚如母雞產臺灣海與

蒼鶴 其形如鶴而首似雞興化泉州呼蒼鶴臺灣澎湖呼鷓鴣雞十數成羣色蒼昂頭高五六尺夜宿海與晝獵食田野蒼按正韻鷓鴣水鳥也爾雅鷓鴣子虛賦雙鷓下正義曰鷓似雁而黑韓詩外傳鷓胎生也

正字通鵠大如鶴青蒼色亦有灰色者長頸高脚頂  
無丹兩頰紅關西呼鵠鹿山東呼鵠鵠南人呼鵠雞  
江人呼麥雞泉州興化有馴畜之者不下卵亦不聞  
胎生宋史陳洪進在泉州日方畫有蒼鵠翔集內齋  
前引吭向洪進洪進視之有魚鯁其喉即以手採取  
之魚猶活鵠馴擾齋中數日而後去

白鷺 爾雅鷺春鉏李時珍曰水鳥也林棲水食羣飛  
成序潔白如雪頂有長毛十數莖毵毵然如絲欲取  
魚則弭之名曰絲禽蒼按俗說鷺雌雄相隨受卵相

盼則產蓋誤以白鷺為鷓鴣又指鷓鴣為鷓詳上鷓  
條下鷺居海邊洲渚間純白者為白鷺間有頂毛黃  
色者亦有背黃翼黃者皆鷺也每以清明前飛集衙  
署廟宇大榎上附會架巢兩次育卵身瘦而鰯鰈鳥  
不擊必擇人煙周密而處者防鷹鷂搏其雛也白露  
後引子歸海曲

探鷓 亦水鳥黑色與鷺共魚而巢居性貪饕禽經云  
鷓飛則霜鷺飛則露是也白露鷺歸島霜降鷓入宅  
俗呼探鷓蒼按李時珍曰鷓水鳥也高頸高脚羣飛

可以候霜據此則探鷓亦名鷓

按探鷓鷓卵生與韓詩外傳鷓胎生者異

火鳩

色紫黑具斑文項下赤千百為羣一飛百飛一

集百集鯉魚所化互見卷一鯉魚條下

呼潮

色蒼似鷓潮至即鳴亦水漲雞潮雞之類

延平城中

雞夜夜二鼓即鳴見書影福州以雞初更鳴者為報喜二更鳴者為報死及其首懸市中母雞生雄毛能鳴蒼所親見凡母雞鳴者腹中有腎寶雄也臺灣產烏鷓亦能報更白鳩

產咬啣吧能報候臺灣亦傳其種興化候潮草葉間

有莢如榆莢潮至則開退則合

天鷺

江產者大於鷺海產者高如童子脚近尾翬禽

經云脚近蹠者能步飛鳴則一一橫天育卵蘆洲人

或取之腥不可食

飲膳正要云天鵝有四種非是

一名鵞鵝

翠鳥

亦名鵠爾雅釋鳥翠鵠疏李巡曰鵠一名翠其

羽可以為飾又一種赤足黃文曰鵠蒼按福州呼翠

鳥者即翡翠八閩通志雄赤曰翡翠青曰翠埤雅云

鵠也名前為翡名後為翠性善捕魚故又名魚虎亦

名魚師閩海所產者差小而翠不及外洋俗呼魚狗

北風捲蟬上沙岸蟬死者狼藉赤足鳥食之誤啄生

者即所謂鵠蟬相持矣海濱有鵠蟬相持問答

紅公 瀕海皆有之亦能捕魚音似擊鼓諸書皆云啼  
則血如子規故名蒼按紅公即布穀福州呼黃辭紅  
公黃辭音之偽也啼則血如子規又因紅公而曲為  
之說

禿鶩 古今注扶老禿秋也蒼按禿鶩狀如鶴而大青  
色長頸赤目舉頭高七八尺頭頂無毛項紅喙黃長  
尺餘而扁直其喙下有胡袋足如雞能與人鬪諸書  
皆稱其毛辟水毒

水鰲 似鳧而小蒼白文脚連於尾不能陸行其膏瑩

刀劍不銹即駢號也

鷺 蒼黑色鳧屬鳧好沒鷺好浮故亦名漚常以清明至卯於洲渚似雞卵而色青羣飛至岸亦主風漁者渡者視以為候數百為羣其來蔽日潮至則翔水嚮以為信謂之信鷗蒼頡解詁曰鷺鷥也生卵於荷葉上名水鷺形色似鵠而羣飛風土記鷺鷥鴨也以名自呼大如小雞蒼按福州諸溪及小西湖所出之水攢又名水壺蘆是也

虎鷹 大如牛翼廣二三丈能捕虎豹見紅色則避海



濱孩童着紅衣袴以避野禽摯獸志載鼓山僧見其  
攫二大羖羊飛去捕虎之說亦或有之廣志胡鷹獲  
麋虎鷹即胡鷹本草曰雕能搏鴉雀獐鹿犬豕又有  
虎鷹翼廣丈餘能搏虎也

鬼車 或呼鬼鳥嘴頸俱長三山志似鵬而小一名梟  
一名鵂鶹夜飛晝伏又名夜遊女又名鬼車三山志  
蓋以狐猿為鬼車狐猿福州呼貓黃鳥漳平甯洋呼  
貓頭號或呼哈唏崇甯二年沙縣有異鳥集陳正敏  
舍明年巢天王院如嬰兒聲僧惡甚採巢得一雛烹

而食之是歲正敏喪父鄰居人與寺僧死者數十或云即賈誼所賦鵬鳥也鬼車亦非梟閩書鬼鳥海中出嘴頭脚俱長海濱人羣掩之真所謂肉味不足當鼎俎雞肋不足安尊養可憫甚矣然所以得羣掩者掩其一則不呼不翅以致大衆俱羅不知其愚乎抑其自相毒誤也蒼按鳥之鬼車魚之橫攤排皆物之赴刳福州呼一無所用之人為鬼車

九頭鳥 立海沙中不近人一首獨高八頸瘦短環列如葱管其首鳴則八頸噴血污瓦脊者不祥相傳只

此一鳥殆妖物罕見耳

嶺海異聞飛頭蠻亦海山中鬼物也居處嗜好與人無別

夜則首飛去頭實穢物歸則身首屬而嚙之惟頷下微痕如紅線耳暹羅島夷有娶婦得此者其夫惡之或教以俟其首去置身於地以小刀刺喉頸間之首歸不合宛轉而死偶記小說云某人家生一子自然無首則飛頭者豈亦沴氣適然所鍾耶有人嘗言海外奇事鄉間有納婦者婦每夜從牀前入地去飽食魚蝦而返衣猶沾溼其夫欲逐之不果後生子如常亦無他異蒼按窮海婦人多異狀其陰戶上垂一肉如簾福清許友竹為子言又嶺海異聞祭酒秦泉黃公志云親見香山縣深林中有物如嬰孩而裸自藤蘿中携手魚貫而下相挽不斷見人輒笑至地而滅土人謂之赤蝦亦無所怖及閱雙槐集所載亦與此合道光丁亥蒼隨先大人往漳平憇山麓見一婦人高八尺穿藍衫而跣足雙珥如栗挑二木桶高大亦非常從輿前過詢上人曰山神也其狀如此

過冬鳥 閩書泉州每冬有鳥從海外來宿食百千無算名過冬鳥居民以冬至三日放風箏黏之

舶鷁 三山志舶鷁似鳩而差小諺謂千鳩不如一鷁言美也編角如笙繫其尾高飛雲端聲似鳴鏞而委蛇善識主人之居舶人籠以泛海有故繫書放之以歸蒼按舶鷁目金色即今之夜游鷁海渡有日主之名日主者今日首先載客之渡船也次曰日次明日之日主也來去傳信人力不及故用舶鷁

鷁鷁 身似鳬而稍圓脚似雞產鹹淡水福州五虎以

內皆有之可畜其味不腥故作饌生燂之勝水鴨三  
山志鷄鵲水鳥人家養之可壓火災馴擾不去郭璞  
曰鷄鵲似鳬而脚高有毛冠辟火災或曰鷄鵲鵲也  
異物志鷄鵲巢於高樹巔生子未能飛皆銜其母翼  
飛下地飲食通作文精

蝙蝠胎生其子小如豆口銜  
母乳隨飛上下蒼於風颭中

得之見  
其然也

鬼雀 即鳥之大喙者或白頸越鳥龍江始有數百集  
樹澈夜飛鳴驚噪令人不寐故呼之為鬼雀

黃褐侯 或呼青雛狀如鳩而綠褐色聲如小兒吹竽

蒼按斑鳩是處有之或言春分化為黃褐侯秋分化為斑鷓據此則以鳥化鳥亦鷹化為鳩鳩化為鷹之類海邊沙洲鳩類最多有小而灰色者有斑如梨花點者有珠斑者雄者三鳴之後復繼一聲雌者止於三鳴雄欲感雌先向雌前三呼三俯三仰每在巢中鳴人因捕之古人所稱鳩蓋溷鴉與斑鳩也雀巢鳩處之鳩鴉也鳴鳩拂其羽之鳩斑鳩也斑鳩翼重不遠颺飛則臑膊有聲拂其羽三字繪出斑鳩一段鈍拙形態蔡氏月令章句鳩鴉鳩也鳩先是時鳴故稱

鳴鳩拂猶搏也陽氣所感故搏羽高注呂氏春秋季  
春紀鳴鳩斑鳩也是月拂擊其羽直刺上飛數十丈  
乃復者是也其說尤妄或指鳩為布穀布穀似喜雀  
尾長而黑福州呼黃鶯以其色黃而聲如鼓故名飛  
似喜雀拂其羽三字不足以狀之

撒尿鳥 形似雞雛飛集桅杆尿如瀉水傳為溺人所  
化亦鬼物也舶人急禱於天后以媽祖棍向前扣之  
飛去則舟亦無恙近航海多輪船水火騰躍怪物不  
敢近但終險耳

附記海獸

海獺 形似獺大如犬而短脚脚下有皮如胼拇其肉腥臊海人剥其皮為帽為領但南風發潮易爛而不蛀又一種大倍於獺毛稍黑亦岸宿水食以銃斃之肉可食蒼按如瀉注博物志云海獺頭如馬自腰以下似蝙蝠其毛似獺大者五六十斤亦可烹食是海獺之大者又名海獺孟子注獺獺也是以獺獺為一物集韻或作獺音賓獺屬似狐青色居水中食魚揚雄校獵賦蹈獺獺師古曰獺小獺也是又以獺為小



獺矣今海濱大獺頭似竹鼯有黃色有黑色有黃黑色如湍所謂頭如馬者或出外洋

海虎 鯊魚所變春晦鯊魚上沙與不飲不食旬日化為虎惟四足經月乃成其文直而疏且長文彩亦闇

淡

或云虎鯊曝日中數日亂滾即化為虎

互見卷一鯊魚條下

海鹿 鯊魚所變以牝牡畜之亦能生育閩製全鹿丸者恆以此味仍鯊魚形變性不變也互見卷一鯊魚條下

海鼠 嶺海異聞稱海鼠大如豕重百斤目正赤然猶

畏貓

道光開施紫華病卧見鼠入貓窠攫其此乃外  
三子後紫華卒物理之背亦不祥之徵

洋之鼠今臺灣後山之鼠不知其若等大禁島中所

出之鼠亦重十餘斤黃色晝入水取魚夜嚙蘆根常

鼠匿舶中及釣船者或黑或黃種類不一蓋下旋時

從海岸逃入也

龍巖汀州於屋下砌磚畜鼠為觴客  
佳品產母必食錫及鼠夜間有挾鐵

鑄執油捻向溝隙捕鼠者其術百發  
百中以鐵箱去其齒納籠中市之

魚 小雅象弭魚服傳魚服魚皮服也蒼按魚獸名生

東海中一名半體魚其狀似牛剥其皮懸之海潮至

則毛起潮去則毛伏陸璣云魚服魚獸之皮也魚獸

似豬東海有之其皮背上斑文腹下純青可以為弓  
韃其皮雖乾燥以為弓韃矢服經年海水潮及天時  
雨其毛皆起水潮退及天晴其毛伏如故雖在數千  
里外海水之潮自相感也蒼按人魚美人魚海和尚  
魚海豬魚海狗魚皆無毛無鱗而四鰭魚屬也皮外  
有毛獸屬也海驢海騮之類是已海驢海騮皆產外  
洋

附記海草

海蘆 隨在有之長丈許中空皮薄色白者葭也蘆也  
葦也短小於葦而中空皮厚色有清蒼者莢也蘆也  
荻也荏也其最短小而中實者葉也蘆也皆以初生  
已成得名蘆一名葦一名葭花名蓬蘽筍名蘆葉四  
向而中垂心抽幹長丈許中空皮薄色青老則白莖  
中有白膚較竹紙更薄身有節如竹葉隨節生若箬  
葉下半裏其莖無旁枝花白作穗若茅花根若竹根  
而節疎堪入藥

海蘆皆藥  
不入藥

荻一名莢一名蘆一名荏

初生為莢長大為蘆成則為萑或謂之蒲至秋堅成  
謂之荻其初生三月中其心挺出其下本大如箸上  
銳而細揚州謂之馬尾簾一名簾似萑而細高數尺  
中實是數者皆蘆類也其花皆名芳其萌名蘆堪食  
如筍可煮食亦可鹽醃海人謂之苗菜按苗又蘆之  
一種用以被屋能歷數十年畚人不瓦其茨屋者即  
苗也蒼按海濱蘆荻之類巨者可為杖海鳥織其葉  
而薦其花晚則啾啾然葉落海面鷗宿焉

海蘆

廣羣芳譜生海中狀如石龍芮有大毒蒼按海

薑似水蘘

詳閩產錄異

凡山谷自生之薑辛辣非常乃大

地金氣上升所結不可誤食猴薑即骨碎補可入藥亦視其所附何木

海蒲 叢生海渚間似莞而編有脊而柔初生出水取其中心入土白藕如七柄者生啖之甘脆又醋浸如食筍亦美至夏花抱梗端謂之蒲槌藥之蒲黃即花中葢屑細若金粉欲開時便取之八月收其葉以織席或曲梭之名海袋以裹貨裝舶出洋

海藻 有二種皆可食馬尾藻生淺水中細黑色又大

葉藻生深海中葉如水藻而大海人沒水取之五月以後有大魚傷人不可取也爾雅薄海藻是也

海葛 自生之葛引蔓長二三丈其根外紫內白葉有

三尖如楓葉而長面青背淡秋採剝其皮漬而搗之

織為葛縉其色非黃非白出海南者佳名曰海南葛

梭葛 斷腸草也擘其葉平分而斷如梭所織故名本

草稱鈎吻或呼為胡蔓草或稱為野葛或曰治地名

蒼按福州所云梭葛蔓生葉似夜來香

或曰夜來香火其根再榮

即梭葛再火其根又變為夜來香未試姑存其說

而光潤又如老葉筭葉者

包檳榔子葉也羊遇梭葛並根嚙之故誤服者灌以

生羊血嘔盡則生不得羊血先入薤菜汁或鴨血或

綠豆漿其葉日午或自搖

獨活有風不動無風自搖路石天雨獨乾日出獨濡

此亦物理之不可解者

作相招狀相傳為梭葛鬼所弄數十年

來見死於梭葛者村婦十之九薪者束梭葛於柴草

中其鬼夜吟唧唧然焚之即絕

羊食百草獨誤食唧唧即死

石帆 高尺餘生海底無葉而花其狀如柏根黑如漆

乾浮水面人或得之以下藥蒼按石帆根赤色稍上

漸輒作文羅紋梗大如筋土人飾作珊瑚裝吳都賦



草則石帆水松劉淵林註石帆生巖石上草類也無  
葉高尺許其花離樓相貫連若死則浮水中人於海  
邊得之稀有見其生者

石龍芻 即龍鬚草一名龍修一名龍華一名龍珠一

名懸莞一名草續斷一名縉雲草一名方賓一名西

王母簪蒼按石龍芻叢生狀如龍常草

即樓心草

其莖直

上夏月莖端生小穗結細實並無枝葉有自生者亦

可栽種島嶼間多有之惟較他處所生麤大耳閩書

此草生水石之處可以割束養馬故謂之龍芻

據述異記

東海島龍川穆天子養八駿處也島中有草名龍芻  
馬食之一日千里古語云一株龍芻化為龍駒此乃  
因八駿而附會其說聞書  
以石龍芻為龍芻誤矣 本草割草包束曰芻今海

濱以蒲葉並石龍芻包裹舶貨

占風草 福州呼風颭草其葉如竹一一離披然歲有  
風颭二三月時其葉即橫折無折則六七月無風颭  
稊荔枝龍眼橄欖為生者每視此為進退多驗臺灣  
志所載風草春生無節則經年無颭風生一節則颭  
風一次二節二次多節多次甚驗一統志知風草廣  
東出叢生若藤蔓土人視其節以占一歲風候每一

節則一風無節則無風臺灣廣東所稱風草知風草  
與福州異福州風颭詳卷一魴魚條下

水燭 產海墘葉如蒲花如蠟燭肉如絮能止血鎗刀

傷用亦可治金瘡澤中亦產山產者名山蠟燭

外孫女陳

閩瑜從古方中鈔出湯大方歷試奇驗附錄於此用  
生地榆洗淨研末調淨麻油敷無麻油用淨茶油甲  
申年雷火燒二人以此試之亦效  
爛桶貯瓦甕中湯火塗之亦奇驗

蘭菁 生水邊冬枯春即其本再榮抽花如蓬蒿性寒

其葉離披兩旁如鋸齒傷手足痛不得了土人呼極  
不爽快者為蘭割村人以水浸輾束菜蔬用編泥壁

亦用之老屋取出煎湯治血蒼按蘭箐即壁竹

臭草 生水邊極臭治蟲瘡爾雅菴蔓于本草註其氣  
穢臭故謂之穢穢者穢也朽木臭也

雀梅 名醫別錄雀梅味酸寒有毒主蝕惡瘡一名千  
雀生海水石谷間

建水草 即石韋圖經本草生福州枝葉似桑四時常  
有土人取葉治走疰風痛又按本草石韋生石上葉  
如柳背有毛而斑點如皮福州別有一種石皮三月  
開花採葉煎湯浴治風蒼按今人多誤以石垂為石

皮石垂詳閩產錄異

野藤 禁島中積年糾結緣木石而上者三四十丈大如桶木槁藤存以有蛇蠍穴其中竊入種地者焚之謂之燒山不敢以燬

蕒 三山志蕒生三稜江生者為淡蕒近海者為鹹蕒土人以為纜為蓆為履蒼按即鹹草索鹹草蓆鹹草履也論語倚蕒孟子為蕒俱訓草器疑即草包北土無竹器故以草包乘土

醉魚草 本草綱目醉魚草一名鬧魚花一名魚尾草

一名櫬目南方處處有之多在塹岸邊作小株生高者三四尺根狀如枸杞莖似黃荊有微稜外有薄黃皮較易繁衍葉似水楊對節而生經冬不凋七八月開花成穗紅紫色儼如芫花一樣結細子漁人採花及葉以毒魚盡圍圍而死呼為醉魚兒蒼按海濱有莽草即本草所稱鼠莽亦能毒魚又有毒人而鬼為役之水莽草福甯府出鼈藤臚藤俱可毒魚寤嚙集載嘉靖閒崇安星村藍源居人將毒溪以取魚有老人鬚髮皤然詣首事之室曰九曲溪不可毒中有神

物居之其人曰藥已具矣眾蜂集吾一人豈能阻老人悼歎不已留膳辭以持齋乃以豆腐及莧菜進食已謝去眾放毒得大魚重百餘斤剖之見豆腐莧菜在焉眾驚悔不數日首事暴卒尋大疫死者甚眾漳州府志詔安龍潭深不可測魚大者可數百斤鄉人常斂社錢市藥毒魚恆毒而遇雨明嘉靖吳堇齋時值鄉賽鄉人復醵錢堇齋方閉戶有欵扉者容貌甚古問鄉人將毒龍潭魚待命先生固無脫者然以口腹故多戕物命魚亦何罪先生宥之堇齋謝以勿

藥固善然此鄉人事且器與藥畢具恐雖某不能止也授二麪果客啖之悵然而別後村人果大得志於龍潭擇其最巨者以壽吳先生剖之腹中麪食具在乃知向者客固潭中魚也

簋竹筍 生海島間即毛竹所生之毛筍殼有毛如麻

筍其毛刺人則死又荏筍亦有毒

本草經注陰命生海中赤色著木懸

其子有大毒

龍牙草 莎也其根即香附子說文莎鎬侯也廣雅地

毛莎隋也莎古作𦵏漢書地理志𦵏題縣本草莎草



一名藹一名侯莎

亦作莎侯

蒼按龍牙草耐水旱樂延蔓

雖拔心墮葉一燒再燒其根四出圃於島者惡其佔  
亂畦蔬以生油蔴糝之油蔴榮則莎根絕